

Kikkuuvugut?

PI/SPS Kalaallit Nunaanni kisiartaalluni perorsaanermut ilinniarfiuvoq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aqqissuussanik neqerooruteqartarpugut. Pikkorissaasarnerit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarparput, tamanna innuttaasut tamarmik ineriartornerannut ingerlalluarnernannullu tunngavissiusaammat.
- Tunngaviumik isuma aallaavigalugu sulivugut, tassalu perorsaanermik sulinermi "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaanerullu iluanni ilinniartitaanernik siuariartornermik qulakkeerinnittoq.

Attavigitigut

Oqarasuaat: +299 38 35 50

Mail: kursus@pi.sps.gl

Nittartagaq: pi.sps.gl/kurstyper/



PI/SPS Socialpædagogisk seminarium

Marralinnguit 40
3952 Ilulissat

AMA pikkorissarneq

Ilinniagaqanngitsunut piginnaasanik ineriartortitsineq

Inuusuttut annilaangasartut allatullu unammilligassallit – ingerlateriaaseq, sulinermilu sakkussat



PERORSAANERMIK ILINNIARFIK
SPS - SOCIALPÆDAGOGISK SEMINARIUM - <http://pi.sps.gl/>

Ilisarititsineq

Pikkorissarnerup matuma siunertaraa, inuusuttunik, annilaangasartunik imaluunniit allanik unammilligassalinnik sullissinnermi teoriip sulinerullu ataqatigiissinnissaanut peqataasut isumassarsiortissallugit. Teoriimi isumassarsiat kiisalu sulinermi sungiusarnerit aallaavigalugit, peqataasut ulluinnarnik isumaginnissinnaaneq paasisaqarfigissavaat.

Pikkorissaanermi makku saqqummiunneqassapput:

- Inuusuttuuneq inuunerme killiffittut, matuma ataani timikkut, ilikkariatortarnikkut, inooqataanikkut aamma misigissutsitigut allannguutit, inuusuttunut psykologii aamma inuusuttunut perorsaariaaseq aallaavigalugit.
- *Paasinninneq* inuusuttut annilaanganermik misiginerannut, matuma ataani inuusuttut pissusilersuutaannut qisuariaasaannullu paasinninneq
- *Periutsit* peqataasut pisariaqartitaat misilittagaallu aallaavigalugit inuusuttunut attaveqarnerup aqussinnaanera, matuma ataani attaveqatigiinnermi periutsit suleriaatsillu
- *Sungiusarnerit* sulinermit inuusuttunik perorsaariaatsimut atassuserlugu, matuma ataani attaveqatigiinnikkut suleriuseq
- Nammineq sulineq pillugu *eqqarsaatiginninneq* inatsisit ukkataralugit, matuma ataani SMTTE-model ukkataralugu nalilersueriaatsit pulaffigalugit.

Sullinniakkat

Pikkorissaaneq una ulluunerani aamma ulloq unnuarlu neqeroorutini sulisunut saaffiginnippoq. Pikkorissaanermi sullinniakkat tassaapput sulisut, perorsaanerup iluani ukiani arlalinni sulisimasut, aamma ilinniagaqarsimangitsut imaluunniit inuusutissarsiutitigut ilinniagaqarsimasut ass. Isumaginninnermi ikiortit imaluunniit assigisaat. Periarfissaavorli pikkorissarnermi inissaqarpat, inuit ingerlariaqqiffiusumik ilinniagaqarsimasut, ass. Perorsaasut peqataasinnaanerat.

PIFFISSAQ: Pikkorissarneq modulinut 1. **ulluni 4-ini** sivilissusilinnut nal. 09.–16.-imut.

Modulit sap. akunnerini **17**-mi 21. – 24. april 2026

AKIA: Peqataasumut 4.500 kr. (peqataasut amerlaneruppata akikinnerusaaq)

QINNUTEQARFISSAQ KINGULLEQ: 20. marts 2026

SUMIIFFIK: PI/SPS Perorsaanermik Ilinniarfik, Ilulissat.

OQAATSIT: Kalaallisut

Ilinniartitsisoq

Hansina Hansen

Peqataanissamut nalunaarneq aamma taamaatitsineq

Peqataanissamut nalunaarsinnaavutit nirtartakkami www.pi.sps.gl/kursusafdeling immersugassap immersorneratigut. Immersugassaq digitalimik imaluunniit anillatsillugu immersorneqarsinnaavoq uungalu nassiullugu kursus@pi.sps.gl.

Pikkorissarnissamut akuerisaanerit pikkorissarnerup aallartinnissaa qaamammik ataatsimik sioqqullugu ilisimatitsissutigineqassaaq.

Peqataasinnaajunnaaruit, tamanna piorsaavimmut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

Peqataanermut akiliut

Pikkorissaanermut akiliutini toqqaannartumik oqaluttaanermut aamma inimik attartornermut akit ilaareerput. Ilinniagaqarsimangitsut, isumaginninnermik siunnersortit imaluunniit inuusutissarsiornermik ilinniakkamik qaffasissusilimmik ilinniagallit angalanerat, unnuinerat AMA-mit aningaasaliissutinit Perorsaanermik Ilinniarfiup akilissavai.

Inunnet ingerlariaqqiffiusumik ilinniagaqarsimasunut ass. Perorsaasunut, angalanermut, ineqarnermut aamma nerisaqarnermut aningaasartuutit sulisitsisup nammineq isumagissavai.

Pikkorissarsimanermut uppersaasat

Pikkorissarsimanermut uppersaasammik tunineqassaatit, pikkorissarnermi peqataanerit minnerpaamik 85%-iuppat.